

ESKU-HUSKA. Eskueta minez, ez du Antzuolako aurrelariak nahi bezala prestatzerik izan



Berraondo txapeliduna eta Xala txapelidunordea, 2. Mailako iazko finalean, Atano III.ean.

Txapeldun hasiberria

Berraondok bihar du Lehen Mailako Manomanistako estreinakoa

Enekoitz Telleria | **DONOSTIA**

Bi hasiberri izango ditu aurten Eskuz Banakako Txapelketa Profesionalak: Haritz Berraondo egungo 2. Mailako txapeliduna, eta Ives Salaberri *Xala* txapelidunordea. Gutxi edo asko, beste guztiak dira Lehen Mailako txapelketa nagusi horretan partidaren bat jokatuakoak, bi

horiek kenduta. Berraondok, bihar bertan jokatu du Esainen kontra, Arrigorriagan. Xalak, Koka izango du kontrario, heldu den igandean, Eibarren.

Arrigorriagako partidarako pilota aukeraketa atzo eguerdian egin zen. Ez zen arazorik izan. 104,1 eta 104,3 gramoko pilotak aukeratu zituen Berraondok, eta 103,1 eta 103,9koak

Esainek. Antzuolakoak, 2. Mailako txapela jantzi zuelako lortu du aurten Lehen Mailan aritzeko eskubidea, baina hasi berri-tan gal dezake maila aurrera egin ezean. «Lehen partida irabazten badut, nik nirea egin dut. Garrantzitsuena irabaztea da heldu den urtean Lehen Mailan jokatzeko jarraitu ahal izateko. Nik ez duk obsesionatu behar ez

jaitsierarekin ez kontrarioarekin. Nire partida egiten badut irabazteko aukerak ditut. Horretarako eskuak apurtu behar badira, apurtu egingo ditut», aitortu zuen atzo Berraondok. Izan ere, eskuak izan dira haren arazo handiena aurten txapelketa prestatzeko garaian. «Ez nabil bete-betean eskuetatik, baina ez dut aitzakia izatea nahi. Arazoak izan ditut eta bi aste geldirik egon behar izan dut eskuei atsedena emateko». Irabazleak, Zearra du zain.

Imaz eta Ruiz arazorik gabe aritu ziren Bergaran

Asteburuan jokatu den lehen kanporaketa horretarako beste pilota aukeraketa Bergaran egin zen atzo. Arazorik gabe egin zen hura ere. 105,5 eta 103,5 gramoko pilotak aukeratu zituen Imazek, eta 105,1 eta 104,4koak Ruizek. Bi pilotarien hausnarketa berbera izan zen han lehen partidaren inguruan: denbora gutxi izan dutela prestatzeko. Binakako txapelketa amaitu zenetik ibili da Imaz eskuin eskua osatu ezinda eta ez du behar bezala entrenatzerik izan. Ruizek, berriz, Binakako Txapelketako finala jokatu eta pare bat aste baino ez ditu izan. Lizarrakoa, dena dela, espezialista da buruz burukoan eta bere urtea biribildu nahi du.

Gaur egingo dira beste bi pilota aukeraketa. Amurrión (12:00), Olaizola I.a eta Berna ariko dira. Eibarko Astelenan (16:00), Koka eta Xala. Larunbatean jokatu dute lehenengoek eta igandean bigarrenek.

TXOKOAN

PALA

Insausti-Garma eta Urkia-Garrido pala txapelketako partidari

Binakako Pala Txapelketako bosgarren jardunaldia jokatuko da gaur, Bilboko Deportivo frontoian. Insausti-Garma eta Urkia-Garridok jokatuko dute partida nagusia. Lehenengo bikoteak, partida bana galdu eta irabazi ditu orain arte eta hirugarrena du gaurkoa. Egoera berdinean daude Urkia eta Garrido kontrarioak.

ERREMONTEA

Ezkurra eta Auzmendi txapeldunen kontra Galarretan

Binakako Erremonte Txapelketako egungo irabazleak, Zeberio II.a eta Iriarte, elkarrekin ariko dira gaur Hernaniko Galarreta frontoian. Maila horretako bikote bati aurre egin ahal izateko, Ezkurra txapelduna jarri dute Joseba Auzmendi segurarrarekin.

JAIALDIAK

GAURKO PARTIDAK GALARRETA. 16:00.

Zalakain-Lander / Zeberio III.a-Gaztelu. Zeberio II.a-Iriarte / Ezkurra-Auzmendi. Altuna II.a-A. Lekunberri / Iñigo-Etxabe. Sarasua-Mendizabal / Kalonge-Ekiza.

DEPORTIVO. 17:00.

Egibar-Leunda / Zabalza-Ibarra. Binakako Txapelketa: Insausti-Garma / Urkia-Garrido. Urkijo-Beldarrain / Marín-Torre.

NORTE MOTOR 2000 S.L.



DAEWOO
Zerbitzu Berria
Bizkaian



KONTZESIONARIO OFIZIALA:

TURISMOS BOLUETA, S.A.

Bilbo-Galdakao errep., 28
48004 BILBO
Boluetako Metroaren ondoan
Tel.: 94 473 36 48

ZERBITZU HITZARTUA

NORTE MOTOR

Murueta auzoa, z/g
48220 ABADIÑO
Eroski-ren aurrean
Tel.: 94 620 09 53